

Amingnaqtunik Iltuqhailiqinikkut



Aanniqtayumik Naittumik Titirarhimayuq

Atauhirmi havainiqmi, malruuq havaktiit havaktut adlatkiiqni Iqalungni quuyaqtipaktut ulruplutik hikuinnaqmi apihimayumik. Tamaita hauniit pilaqtaudjutayut.

Upluqtuhivia 20, 2016 mi havakti qimakhugu akhaluuta alraitlu tigumiaqaqhutik, quuyaqtuq ulrupluni apihimayumi hikuinnaqmi, ahiruqhunilu alroutaa talianilu. Havakti atuqtuq aanniqtailidjutiqaqtunik kammaknik kihimi aturarhaunggittunik alappaangnaqpiagtumi. Quuyaqtailidjutiqargittuq. Qilamik ayupiriami piqargittunilu anilirman akhaluutimit.

Upluqtuhivia 24, 2016 mi havakti qimakhugu akhaluuta, tummirahuaqhuni, quuyaqtuq ulrupluni apihimayumi hikuinnaqmi, ahiruqhunilu kanaami malruungni humi kanaami. Havakti atuqtuq aanniqtailidjutiqaqtunik kammaknik kihimi aturarhaunggittunik alappaangnaqpiagtumi. Quuyaqtailidjutiqargittuq.

Qanuqtun titirarhimayuq Maligaliurnikkut

Aanniqtailinirmun Maliruarutit Nunavut: 41. Havagviuyuq atuqtakhapkaiyukhat havaktiingitnut ihuaqtunik kammaknik aanniqtailiyaami havagviagannit.

Havagvingni Aanniaqtailinirmun Aanniqtailinirmunlu Maliruarutit Nunattiaqmi: 100. (1) Havagviuyuq pipkaiyukhat imaa (a) havaktimut atuqyakhait ihuaqtunik kammaknik ikiqliyuummiriami qayarnautit havagviani imaalu havaktip havaanganni; imaalu (b) havakti qayangnakhiniaqtuqlu havaamini uqumaittunit kataliqtumitluunniit tunmiragumiluunniit ipikpiaqtumik atuqtukhaq anggiktauhimayunik aanniqtailidjutikhainnik ihuaqtunik kammaknik.

Aanniqtailinirmun Atuqtauyukhat

Qiniklutun qayarnaqariakhainnik natikni, natiliuqhimayuni, tunmitqani, pihuqviitni kammakniklu qiniklugit nakuuyaakhaita, ihuaqtigiyayutlu havaamut qayarnaittutlu.

Atuqulugit ihuaqtunik maniiyaligqat, apiiyaliqat atugumi ukiumi kammaknik, atuqlutik quuyaqtailidjutinik, piqargillunilu hunamik tigumiararhamik mayuagumi tunmitqanik, natiliuqhimayuni aniligumiluunniit akhaluutimit.



Workers' Safety
& Compensation Commission

Havaktut Qayagitjuttikhainnik
uvalu Ikayukhiakuttikhianit Katimayit